

রাজনীতি

ফুটপাত দখল, মাদক ও যানজটে নাজেহাল ঢাকা-৬! বৈঠকে ইশরাকের ক্ষোভ

প্রতিবেদক: আবু মহিদ ঢাকা

প্রকাশের তারিখ: রোববার, ১৩ সেপ্টেম্বর ২০২৬, ০৭:৫৩ PM



মাদক, যানজট, ফুটপাত দখল, ধোলাইখাল ট্রাকস্ট্যান্ড ও সদরঘাটের নানা সমস্যা নিয়ে ঢাকা-৬ আসনের আইনশৃঙ্খলা পরিস্থিতি নিয়ে ক্ষোভ জানিয়েছেন মুক্তিযুদ্ধ বিষয়ক প্রতিমন্ত্রী ও এ আসনের সংসদ সদস্য ইশরাক হোসেন।

রোববার (১৩ সেপ্টেম্বর) ঢাকা জেলার আইনশৃঙ্খলা কমিটির বৈঠকে এসব সমস্যা তুলে ধরেন তিনি। একই সঙ্গে নিষিদ্ধ ঘোষিত আওয়ামী লীগের নেতাকর্মীদের আনাগোনা এবং পুলিশকে অবহিত করার পরও ব্যবস্থা না নেওয়ার অভিযোগও করেন ইশরাক।

জেলা প্রশাসকের সভাপতিত্বে অনুষ্ঠিত বৈঠকে দায়িত্বপ্রাপ্ত মন্ত্রী সুলতান সালাউদ্দিন টুকু, ঢাকা-১১ আসনের সংসদ সদস্য নাহিদ ইসলাম, ঢাকা-১২ আসনের সংসদ সদস্য সাইফুল আলম, সংরক্ষিত নারী আসনের সংসদ সদস্য ফেরদৌসী আহমেদ মিষ্টিসহ সংশ্লিষ্ট বিভিন্ন সংস্থার প্রতিনিধিরা উপস্থিত ছিলেন।

বৈঠকে বিভিন্ন গোয়েন্দা সংস্থা, ঢাকা মহানগর পুলিশ, জেলা পুলিশ, ম্যাজিস্ট্রেট, সিটি করপোরেশন ও ওয়াসার প্রতিনিধিরাও অংশ নেন।

বৈঠকে ইশরাক হোসেন বলেন, ঢাকা-৬ আসনে মাদকের সমস্যা বর্তমানে তীব্র আকার ধারণ করেছে। মাদকের আধিপত্য বিস্তারকে কেন্দ্র করে সংঘর্ষের ঘটনাও ঘটছে। এ সময় গেন্ডারিয়া, ঘুঁটিগড় ও মুনসিরটেকসহ বিভিন্ন এলাকার পরিস্থিতির কথা তুলে ধরেন তিনি।

এ ছাড়া দখল হয়ে যাওয়া ফুটপাথ এবং যত্রতত্র বাসসহ অন্যান্য যানবাহন থামানোর কারণে সৃষ্ট যানজট ও বিশৃঙ্খলার বিষয়েও কথা বলেন ইশরাক। ধোলাইখাল ট্রাকস্ট্যান্ড ও সদরঘাটের সমস্যা ছাড়াও কাপ্তানবাজার ও মুরগিপট্টির বিভিন্ন সমস্যার কথা তুলে ধরেন তিনি।

সম্প্রতি নিষিদ্ধ ঘোষিত আওয়ামী লীগের নেতাকর্মীদের প্রকাশ্যে আনাগোনা দেখা যাচ্ছে বলেও বৈঠকে জানান ইশরাক। এসব বিষয়ে পুলিশকে অবহিত করার পরও সংশ্লিষ্ট থানা কোনো ব্যবস্থা নিচ্ছে না বলে অভিযোগ করেন তিনি।

বৈঠকে ঢাকা-৬ আসনের এসব সমস্যা সংশ্লিষ্টদের অবহিত করে আইনশৃঙ্খলা পরিস্থিতির উন্নয়নে প্রয়োজনীয় পদক্ষেপ নেওয়ার বিষয়ে নিজের বক্তব্য তুলে ধরেন ইশরাক হোসেন।

এ বিভাগের আরও খবর



নারীর আর্থ-সামাজিক উন্নয়নে সবাইকে একসঙ্গে কাজ করতে হবে: রিজভী
নারীদের অধিকার নিশ্চিত করতে হলে তাদের শিক্ষার আলোয় আলোকিত ও আর্থিকভাবে স্বাবলম্বী হতে হবে। নারীর সামাজিক ও আর্থনৈতিক উন্নয়নে সবাইকে একসঙ্গে...



ফ্যাসিস্ট হাসিনার আমলে ভারতের সঙ্গে ১০১ চুক্তি পর্যালোচনা, [সবার আগে বাংলাদেশ]: চিফ হুইপ
ফ্যাসিস্ট শেখ হাসিনার শাসনামলে ভারতের সঙ্গে হওয়া ১০১টি চুক্তি পর্যালোচনা করছে বর্তমান সরকার। এসব চুক্তির বিষয়ে শিগগিরই সিদ্ধান্ত নেওয়া হবে...



নজরুলকে নিয়ে সংসদে বিরোধীদলীয় নেতা ও স্বরাষ্ট্রমন্ত্রীর বাকযুদ্ধ
জাতীয় সংসদে বিরোধী দল থেকে বহিষ্কৃত সংসদ সদস্য গাজী নজরুল ইসলামকে সংসদীয় কমিটিতে অন্তর্ভুক্তির বিষয়টি নিয়ে
সরকারি ও বিরোধী দলের শীর্ষ নেতাসে....



ফায়সলি আওয়ামী লীগকে নতুন রূপে ফেরানোর চেষ্টা চলছে: গোলাম পরওয়ার
জামায়াতে ইসলামীর সেক্রেটারি জেনারেল মিয়া গোলাম পরওয়ার অভিযোগ করে বলেছেন, আওয়ামী লীগকে রিফাইন করে নতুন
রূপে রাজনীতিতে ফেরানোর চেষ্টা চলছে। সর....